

## An Crúiscín Lán

Ó tá trí smaointe im' chroí nach dóigh libh  
Níl aon gheal scilling go dtuillim ná go n-ólaim  
Ní h-ionann is mar chách ní ar cháirt amháin a ghlaoimse  
s' ní bheidh feoirling ins an sparán agam nuair a fhágfaidh mé an saol seo  
Agus gheobham arís an crúiscín is bíodh sé lán.

### Curfá:

Grá mo chroí mo chrúiscín, sláinte geal mo mhuirnín,  
Is cuma liom an chúilfhionn dubh nó bán.  
Agus geobham arís an crúiscín is bíodh sé lán.

Dá bhfaighinnse bás amárach d'fhágfainnse le huacht é  
Mé a chur i dtigh an tábhairne go sásta fé'n bhfuarma  
Mar a mbeadh na pínt 's na cáirt 's na cnagairí dá mbualadh  
'S gur binne liom a gceol siúd ná ceol binn na cuaiche  
Agus gheobham arís an crúiscín is bíodh sé lán.

### Curfá

Dá bhfaighinnse bás amárach d'fhágfainnse le huacht é  
Snaois 'gus tobac a bheith ar mo thórramh  
A ndóthain le n-ithe a thabhairt dos na mná óga  
Agus ligint do na seana mhná go ngoilfidís a ndóthain  
Agus gheobham arís an crúiscín is bíodh sé lán.

### Curfá

Tá Paróiste na scairte seo ar mearthall le tréimhse  
's Contae Cheatharlach gan dada i bhfoirm faobhar ann  
Níl pící ann chun treascurtha ná claimhte acu chun eirligh  
's buailfear iad is eagal liom ag seanphoic an Bhéarla  
Agus gheobham arís an crúiscín is bíodh sé lán.

### Curfá

Le tacaíocht ó

Dá bhfaighinnse bás i bhFearann Tuirc nó dá bhfágfainnse an saol seo  
Go bhfeicfidh mé na Sasanaigh i steallachas na déirce  
A gcuid rámhainní ar a ngualaibh is iad ag tuilleamh a gcuid réalach  
Agus bróga boga briste orthu mar a bhíodh ar Chlanna Gael bocht.  
Agus gheobham arís an crúiscín is bíodh sé lán.

## Curfá

Nuair a théimse siar chun iarthar Éireann  
Cois sleasa agam go huaigneach is gan éinne beo dom ghaobhar ann  
Séard a deir na daoine 'gus muintir mo chéile  
Gurb olc an fear ag mnaoi mé gan leanbh a bheith a'méileach.  
Agus gheobham arís an crúiscín is bíodh sé lán.

## Curfá

'S seard a deir mo bheansa nó an ar bhuile ataoi a stróinse  
Téanam ort abhaile nó ar ólais fós do dhóthain  
Chun a' diabhail mhóir a bheirim thú a mhaireann ó do shórtsa  
Mar beidh bean éigint eile agam ins gach baile beag dá ngeobhad ann.  
Agus gheobham arís an crúiscín is bíodh sé lán.

## Curfá

***Iarla Ó Muirthile a rinne an cheardlann seo.***

Le tacaíocht ó